

دائرة مخصوصه

در سعادتده باب عالی جوارنده

محل اداره :

مُتَرَاتِقُ

اخطار :

مسلكمنه موافق آثار جديده مع المنونيه
قبول اولنور

دريج ايدهلن آثار اعاده اولنور

ديره، فلسفه، علوم، حقوق، ادبياتده و سياستده و باظافه كرك سياى و كرك اجتماعى و معرني احوال و شئون امرديه دره بحث ايدر و هفته ده بر نشر اولنور.

آبونه بدلى

سنه لكى

ممالك عثمانيه	ايچون	۸۰	۴۰	غروش
روسيه	»	۶۰	۳۰	روبله
ساثر ممالك اجنبيه	»	۱۷	۹	فرائق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرله دن مقوا بورو ايله گوندريليرسه سنوى

۲۰ غروش فضله آلير

عدد : ۶۰

۱۳ شوال ۳۲۷ پنجشنبه ۱۵ نشرين اول ۳۲۵

اوچنچى جلد

انقاضك بوسوتون تراب منسيته انقلاب ايتمهرك موجوديتدن بر بقیه محافظه ایلمسی بلکهده بزى استقبال ایچوندر ...

هامش — هانوتونك سوزلری بوراده بیتور . انشاءاوه کله جک هفته مرحوم شیخ محمد عبدهك بجوابنامه سنی ترجمه به باشلايه جغز . کال امعان ایله تعقیب ایلمرینی محترم قارئلریمزدن رجا ایدرز .

محمد عاكف

زید وزینب مسئلهسی

— مابعد —

ام المؤمنین حضرت عایشه (رضی) — اکر رسول الله بروحی الہی وبر آیت سبحانی کتم واحقا بیورمش اولسه ایدی بو آیتی کتم ایدرلر ایدی — بیورمشلردر .

— ایشته بز امر الہیمی ابلوغ واحکام ربانیہ منری اکمال واسباغ ایچون زید آندن — زینبدن — قضای و طر [*] تلدینی وقت تینی ایلمش اولدقلری اولدقلرینک مطلقلرینی اولدقلری انلردن قضای و طر ایلدکلری وقت تزوج خصوصنده مؤمنینه حرج و اذا اولماق ایچون بز آئی سکا تزویج وتنکیح ایلدک وامر الہی معقول — وحیز آرای حصول — اولدی .

مسلمات امور دندرکه : ربقه تقلیددن تخلص انحق همت عالیہ اصحابنه رونمای تیسر اولوب عوام ناسک الفت وعادت وعرف وجهالتلرنده دوام واستمرارلری طبیعی واعتیادات قدیمه لرینک ترکی کندیلرینه مشکلتراولدینی غیر مخفی در . بنابرین اخلاقیونک اسالاس اولهرق قبول ایلمش اولدقلری — مرینک بالفعل نمونه امتثال اولسی لزومی — قضیه سی پک بدیهی وبوفعل مرینی به تبعیتک انسانلرده جلی اولدینی بر امر جلیدر .

بوکا بناء خواجه عالم علیه الصلاة والسلام افندمن حضرتلری حدیبه وقمه سنده امر نبوی وقوع بولدینی حالده باشلرینی طراش ایلامکده دوام ایدن اصحابنه رأس مبارکلرینی حلق ایله بر نمونه امتثال ابراز بیورملریله بالجمله اصحاب کرام در حال ذات مبارکلرینه اتباع ایلمشرایدی . جاهلیت جهلانک عادت ایفه وقاعده مألوفلری خلافت اولان تزوج زوجة مبتنی خصوصنده — که اصحاب کرام دخی بو عادت ایله مألوف ایدیلر — دخی ذات پاک رسالت علیه اکل التحیت افندمن حضرتلرینک اسوه وقده اولملری حکمت بلیغه ربانیه مطابق و [ولکم فی رسوالله اسوه حسنة — ای امت محمد (ص ع) رسول الله سزک ایچون اسوه حسنه وقده مستحسنه واردر یعنی رسول الله حسن انساء وتمام اتباعه سزا واحراردر —] نص جلیلی ناطق وبومعنايه موافقدر .

حجة الوداعده دخی بو حکمت اخلاقیه به بناء حرمت ربایی بیان

[*] مرادینه ایرن کیسه ایچون قضای و طر ایتدی ، دیرلر . وطرك اصل معناسی حاجتدر .

واک اول ذات قدسیتناهیترینه اقرب الناس اولان جناب عباسک ربانی وضع وتزیل ایله مألوف اولدقلری معامله نک ترکی بوضورتله تسهیل ووجوب ترکی اعلام وایذان بیورمشلر ایدی . اکر بعض مغفلین ومحدثین وآنلردن بالاستفاده ارباب زیغ وضلالک دیدکلری کبی (زید) ک (رضی) مشارالیهایی سبب تطبیق رسول الله (ص ع) افندمنک قلب سعادتترینه حسن زینبک (رضی) تأثیر ایتمش اولسی اولسیدی طوغریدن طوغری به بو حال [ولآتمدن عینک الی مامتعباه ازواجاً منهم زهرة الحياة الدنيا ... الايه] نهی الہیسنه مخالفت وحسد ومجاوزت اولور ایدی که بونهی الہی ایله خاصه ذات پاک رسالت وبالعموم مؤمنین زهره حیات فانیه دنیايه مدنظر دن منهی وممنوعدرلر . بوندن ماعدا اکر نبی اطهر ورسول مطهر افندمن حضرتلری مشارالیهایی تزوج ارزو بیورمش اولسیدیلر کافه خصال ذمیهدن تطهیر وتعصیم اولمش وفضائل ملکینک اک عالی ومقدس مظهری اولمش اولان قلب اقدس وانورلرینه شهوت وبهیمتک غلبه سیله زمان نضارت جوانیسنده کوله سنه بالذات تزویج ایتدیکی بر قادی علی الاکثر تزوجدن صکره قیزلقده کی طراوت زائل اولدینی حالده بکنوب کوله سنک تطبیقندن صکره آلمش اولملری اصلا قبول ایدیله میه چی کبی مشارالیهانک رسول الله (ص ع) دن تستر ایتمکده اولملریله نه مرتبه صاحبه حسن اولدقلری دخی نزد سعادتده قبل التزویج مخفی اولدیغندن بویولدهده بر اعتراض وارد اوله منر .

اقربا وتعلقاتک وخصوصیه برابر بیویانلرک یکدیکلرینی ارزو ایتمکده اولدقلری دخی هر کون کوریلان احوال دندر . بونک دخی سببی عدم احتجاج وتجانبدر . نته کیم : اوروا قادی نلری مخدرات اسلامیه دن دها زینتلی اولدقلری حالده انظار عمومه معروض اولدقلرندن او قدر جالب نظر ورغبت دکلدلرلر .

شرف الدین

قرنہ رانی

لسان عثمانی تدریساتی حقنده

(معارفک دعوتیه اسپارطه لی حق افندی طرفندن ۲۹ آغستوس سنه ۳۲۵ تاریخنده اسکی مکتب حقوقده مکان برشدیه معلمرینه تقریر ایدلشدر .)

ایکنجی مصاحبه ، تدریساتی ناصیل یوروته جکز ؟

(خلاصه : چوققلر منری ازدیکمزیت — اولا کتابی برافغه چالیشام — تعریفی آنلار — کله نک تقسیمی .. اسم ، فعل ، ادات — بختک تطبیق — کله نک نوعلرینی تردد سزطابق لازم — چوققلر تدقیقه وافاده به آیشدیرمالی — حرفدن بحث لازمی ؟ — اسم — اسملره مختلف جهتلردن نظر — هر مفهوم ایچون مطلقا تک کله لازم دکل — مرکب کله لک لزومی وفائده سی — بقیه سی صکره)

بودفعه داها سنلی بنلی کوروشه جکز ، چونکه کچن مصاحبه ده

یولسزلقاری برکون اول ترك اتمهیه حاضرز ، ایشه نزه دن ، ناصیل باشلایا جغز ؟ کورونیور که حال لسانیه بونی سویله یورسکوز . اوخ ! آرتیق کریسی قولایدر . . ایش ، چوروك دیشی چیقارتمق ایچون ، متاتله دیشجینک صاندالیه سننه اوتورمقدمه در . دپه جک قالمادی . . دردمنی آکلادق . . درمان آرایورز . بکی نه یاپاجغز ؟ یاپاجغز پک ساده . . کوچوچک چوچوقلره آنا لسانی قولایجه جق اوکره تن طبیعتی یاپایلدیکمز قدر تقلید ایده جکز . دائما بونقطه بی کوزه ته جکز . طبیعتده صنایع کتاب واری ؟ یوق . اوخالده بزده کتسابی آتوب قواعدی لسانک کنندی سینهنسندن چیقاراجغز .

عجبا کتسابی بوتون بوتون آتابیله جکمی بز ؟ مأمول که ایچمزده بونی یاپایله جکلر اکیسک دکل . فقط اکثریت اعتباریله بو نقطه ده بر آز ایر کیلوب دوشونورز . . کتسابی بوتون بوتون آتار ایسه ک بلکه شاشارز . چونکه مملکتکجه هنوز کالده دکلز . کنندی مز طیویلا نیچ ، بوتون قواعدی صیره یه قویوب تمهید ایدیویره جک حالده دکلز . همده ایش داها طورولوب پوروزدن قورتولونجه یه قدر ، قواعد او قویان چوچقاری واونلرک امتحانلرده اوغرایه جقاری صیقینتیلری دوشونمک ، احتیاط ایتمک لازم . بوملاحظه لری نظره آلتیجه ، کتسابه علاقه منی بوسبوتون کسویرمک او یاماز . کتسابی بوسبوتون آتایاجغز ، اونی آنجاق بر فهرس کبی ، بر پروضرام کبی ، بر مخطر کبی قوللانا جغز . فقط شونی ذهنلره قویاجغز که کتسابه یازیلان شیلر طبیعتدن چیقارلمشدر . قواعدی کتسابدن آرایاجغز اصل طوغدینی یردن ، لساندن آرایاجغز . کتسابه یازیلان شیلر باشقه لرک آغز یله چیکسنمش لقمه لردره دیشی اولان بونی آغزینه قویارمی ؟ بن ییه جکمی کندییم چکنه مه لی یم . خلاصه ، معلم طلبه سنه بو جسارتی ، بو اطمینانی ویرمه لی . هر کس کندینه کووه نه بیلمه لی . . کتسابه اعتماد بدل ، نفسنه اعتماد آلیشمالی .



کتسابی بحث صیره منی کوسته ریر بردفتر کبی قوللانا جغز ، دیورز . بونی ناصیل یاپاجغز ؟ کتسابلرده اکثریتله تعریف و تقسیم هرشیدن اول . بز تعریفی بوسبوتون کچه جکز . قواعد دنیان شیله بر آز اوغراشنجه متعلمینک ذکاچه ، عرفانجه کری اولانلری ده اونکله بر آز سنلی بنلی اولاجق . . اونی کوره جک . . نه ایشه یارادینتی آز اولسون آکلایاجق . . بلکه بونی کنندی فهمنه ، کنندی تقدیرینه کوره تعریفده ایده بیله جک . اما بو تعریف ، هر قیدندن بر اینجه لک چیقاجق صورتده عالمانه دکل ایش . نه ضرری وار ؟ بز اونلرک تعریفندن قواعد دقایقی اوکره نه جک دکلز . . اونلرده رشیده ده ایکن قواعد مؤلفی اولاجق دکلر . از بره تعریف او قوتمقدن خوشلانانلر وار ایسه ، اونلر بو مراقیلرینی اکلندیرمک ایچون اولرنده پایاغان بسله سینلر ! براقسینلرده چوچوقلر من ناطقه سنه صاحب اولسون ! اونلر ایچنده نه مدقق ، نه متعمق مؤلفلر چیقاجغنی بزده استقبال کوسته ره جک . همده قانع که بز اوله دن اونلری کوره جکز . .

اولدجه طابشدق . آرتیق کوردنک صورتنده بز صیقا کلن صوغوق تکلفلره ، کوسته ریشلره ، صائیشلره هیچده احتیاجز یوق . کورونیور که هیمنز بویله دوشونیورز .

کچن مصاحبه ده آکلادق که لسانز طبیعتک وکندی طبیعتک خارجنده بر آقینتی یه قاپدیراش . لسانه خدمتله مکلف اولان سوز و قلم صاحب لری بیله رک بیلیمیرک بو یاکلیش آقینتی یه کوره ک چکه کلوب کوزل لسانزی باتاقلره آقیمش لر ، صفوتندن قوتندن دوشورمشلر . بو آقینتیک ایچنه دوشوب کلنلرک باشلری دونمش . . کیمسه فذالنی کوره مه مش ، کیمسه سیلک اوکنه طوروب یولنی چویرمکه همت ایده مه مش .

تورکجه نک اوغرا دینی بو فلاکت ، بر طرفدن تورکله کده تاثیر ایدرک بز تورکلر دنیانک سائر ملت لری آراسنده کریلرده یرلرده قالمشز . بو یوکلر منک چاره منی کوردمدیکی بودردک دواسنی چوچوقلر مندن بکله یه جک ، اونلری بوکا قارشنی قویاجق قوتده یتیشدیره جک یرده اونلری ده کندیمز کبی اتمکه چالیشوب طور پوروز .

فقط آرتیق زمان بو آغراینی چکه میه جک ، استقبالمز دیمک اولان چوچوقلر منی بز خطا لره بولاشیق کیمزده قربان اتمیه جک . آرتیق مملکتک چوچوقلرینی قایلرک آلتلرنده قالان فدائیلری ازدیکی کبی ازمه جکز . او یکی بلین ذکالری توزلر طور اقلر آلتنده سوندوروب خراب ایده میه جکز . خایر افندیم ، چوچوقلرک ذکالری حافظه لری بز او یونجاغمز ، یاز بوز تخمه مز دکلر . بز داهامشمر ،

دها امین اصوللر بولوب تطبیق اتمه لی بز . بیلیم که بوشکایتلر بر آز طاشقینمیدر ؟ فقط مملکتک خدمت ایچون یتیشدیروب اورته یه قویدینی ، خدمته احضار ایدله لرینی بز تودیع ایتدیکی تازه قوتلری بویله یوق یرلره هدر اتمک ده کناهد . رشیده لردن برینه مداوم بر چوچوق طانیورم . ذکی وچالیشقان دنیله بیله جک بر چوچوق . . مع هذا بوسنه (لسان عثمانی) ایله دیکر ایکی درسدن ایکشرونمرو آلمش ، صنفده قالمش . چوچوغنی شویله بز یوقلامه ایتدم . تورکجه بی سویله یور ، یازیور ، تحلیل ایدیور . امتحانده نه صورولدیغنی اوکرتمک ایسته دم . چوچوق حقی بر اغبراره خبر ویردی . . (مستجاب الدعوه) ، (علی کلی التقدرین) نه اولور ؟ دپه ایکی شی صورمشلر . بونلری بیله مه مش . صوکره (مستجاب الدعوه) ده اقسام سبعه دن نه وار ؟ دیمشلر . هیسی بو . امتحان ورقه منی آلدیغنده (لسان عثمانی) دن ایکی نومرو قازانمش اولدیغنی آکلامش . چوچوق صنفده قالا جق ، احتمال بوندن ناشی مکتبیدن وقتسز آلتاجق . شو ایشی یاپان ممیز افندی یه جناب حق عملنه کوره جزا ویرمه جکمی ؟ بو کوچوک برشی . . فقط بو کوچوک وقعه نک ضمننده مملکتک استقبالی ، احتمال ، مهم بر ذکا ، مهم بر قوت غائب ایتدی . سوزده « آتی سنک ، کیمی بنم » وصیتی بو کون حکم سز . . حال بوکه زواللی بابایه کیک ده قالمایور .

آکلادق . . آکلادق . . بو ، یور یچی اولدور یچی اصوللری ،

تعریفی آتلادق . طلبه من آراسنده عارف اولانلری کندلی حسابلرینه
تعریفده یایا بیله جک . تقسیم حقنده نه یایا جغز؟ مساعده بیوریکزده بحک
بوندن سوکره سنده بر آزدها تکلیفسز ، بر آزدها سر باز اولام ..
کندیمزی مکتبده اطفال آراسنده فرض ایده لم . ایچمزدن کیمسه ،
آبز چوجوقی یز؟ دیمه سین . محئی چوجوقلره ، مبتدیلره سویله رکبی
ساده لک ، طبعی لک ایچنده یوروتلم . تا که اوستمزده بر آغیرلق
قالما سین .

کله نك تقیسی ... کتابلر ، مؤلفلر اختلاف اوزره ... کله ،
دوقوزدر ، یدیدر ، بشیدر ، اوچدر ، دیه برشیدر کیدیور . بوکا
باقچه انسانک

« باخاترا بحال خود بگذار .. »

« تاقیامت کنندر ستاخیز ! »

دیه جکی کلیر .

بنده کز کندلی ملاحظه دیرم که کله نك اوچه تقسیمی ده
ساده در . اوچه تقسیمی ترجیح ایده لم .. کله اوچدر : اسم ، فعل ،
ادات . امان چایق عرض ایده لم که بونی چوجقلره پشین اوله رق
سویله به جک دکلز . بلکه کله بی جنس جنس آیرمه چالیشیر کن
بوتیجه بی بولق بزجه مقصود اولاجق . قابل اولسه ده تقسیم ،
قواعدک تانهایتلرینه قالسه .. فقط بزبونی یایاجق حالدن هنوز چوق
اوزاقز .

هایدی محئی تطبیق ایده لم .. ایشته طلبه دن اورطه حاللی بریسه

خطاب اییدیورم ..

— احمد افندی ، اوزومی سوهرمیسیک؟ البته سوهرجک .

— او یله ایسه ، قالدق تخته یه یاز : اوزومی سوهرم .

احمد افندی بویله جه یازدی .. ینه صوریورم .

— قارپوزی ده سوهرمیسیک !

— اوت ، افندم ، قارپوزی ده سوهرم .

— او یله ایسه اونی ده یاز .

احمد افندی اونی ده یازدی . ینه احمد افندی یه دیورم ..

— داها باشقه سو دیکنک شیلری ده یاز .

احمد افندی ، « اوزومی سوهرم » ، « قارپوزی ده سوهرم »

سوزلرینک آلتنه یازدی ..

« کتابی سوهرم » ،

« درسی سوهرم » ،

« مکتبی سوهرم » ،

« آرقاداشلری سوهرم »

احمد افندی ، احتمال ، ریاکارلغه دو کوله جک .. « مکتبی سوهرم » دن
سوکره « خواجه بی سوهرم » فلان دیه معلمی گوشه تمسکه ، شیشیرمه
یول آچاقق .

احمد افندی برینه اوتورسون ، تخته یه پرواسزلردن فاضل افندی

قالقسین . طلبه یه قارشلی کوله ر .. دیرم که :

— احمد افندی ، اوزومک قارپوزک یاننده کتابی ، درسی ، مکتبی ،
آرقاداشلری ده سوهر ایتمش . پک اعلا ، احمد افندی بونلرک هیسندن
فائده لنسین . عجباً فاضل افندی ده بویله می دوشونور ؟ هایدی فاضل
افندی سن ده یاز ، باقالم .

فاضل افندی قالدقار ، یازار .

« کتابی سوهرم » ،

« مکتبی سوهرم »

— ای .. فاضل افندی ، یتیشیر . کتابی نیچون سوهرمیسیکی ،
مکتبی نیچون سوهرمیسیکی بیلیرز . اوت نبی باغلا یان ، سربست
دوشونمکدن آلیقویان کتابی بن ده سوهرم . کذاک نبی ده فکر می ده
حبس ایدن ، جولانه براقایان مکتبی بن ده سوهرم . بونلرک نیچونی
طورسون . شو یوقاریدن آشاغی یه یازدیغمز سوزلرده نه کورپوز ؟
اونی آرایالم .

ینه مساعده کزله اطفاله خطاب اییدیورم .

برکره صیره ایله یازدیغمز شیلر نه ؟ سوز . سوز ، نه ؟ کلام .
کلام نه ؟ جام ، مراهمزی ، دوشوندیگمز شیلری آ کلامق ایچون
قوللانیلان برواسطه . کلام ، بوتون ویکپاره برشیمی ؟ یوقسه
پارچالانا بیلیر برشیمی ؟ پارچالانا بیلیر برشی . بیلیرز ، بونک بویوک
پارچدلرینه ، (کله) دیرلر .

دیکنک صیره ایله یازدیغمز شوسوزلر هپ کلام .. بونلرک بویوک
پارچهلری هپ کله . پکی بوراده کی کله لر هپ برجنسدنمی ؟ یعنی
بونلرک هر بریسی دیکرینک برینه قونا بیلیرمی ؟ کورپوز که
(اوزوم) کله سی برینه باشقه کله لرده قوندی : اوزوم ،
قارپوز ، کتاب ، درس ، مکتب ، آرقاداشلر . دیکنک ،
بو کله لر هپ برجنسدن ، عجباً بو کله لر نه در ، نه جنس کله در ؟
(اوزوم) کله سی اوزوم دنیلن شیکن کندیسیمیدر ؟ بو کله ده اوزوم
کبی بیاض سیاه اولابیلمی ، اوزوم کبی ینه بیلمی ؟ اوزوم کله سی
برسوزدر ، اوزوم دنیلن شیکن اسمیدر . (قارپوز) کله سی نه در ؟
اوده براسمدر . (کتاب) ، (درس) . (مکتب) ، (آرقاداشلر) ،
بونلرده هپ براسم ، بونلرک کندیلری ، یعنی بو اسملرک مسالری نه ؟
برشی ، برر موجود .

شو حالده اسم نه در ؟ برکله در . نه ایسه یارار ؟ برشی کوسته رمکه
یارار . شودوکوک نتیجه بی طویلار ساق ، (اسم) ، برشی کوسته رمکه
یارایان کله در) ، (اسم) ، برشی کوسته رن کله در) دیه بیلیرز . باقکمز ،
ایسته مزکن برتعریف میدانه کتیرمش اولدق .

اسم ، برشی کوسته رن کله در . اوشی هر وقت کوزه کورونورمی ؟
اوزوم کوزه کورونور ، ال ایله طوتولور ، ینیلیر .. طاتلیدر .
عجباً (طات) دنیان شی نه در ؟ اوده کوزه کورونورمی ؟ کوزه
کورونمز ، اونی کوزمزله کوره میز . فقط ذهنمز پک اعلا آ کلار که
اوده موجود برشیدر . مثلاً (جان) ده بویله دکلیدر ؟ (ایقو) ده
بویله دکلیدر ؟ (اوزوم) ده اسمدر ، (جان) ده اسمدر ، (ایقو) ده

حالی وار. بوجنس کله اسمدن پک باشقه برجنس. بوکاده بر حرکت، برایشلکک کوسته ردیکی ایچون (فعل) دیمشیر. دقت ایلدیکنده کورولور که اصل کله اسم و فعلدر، ادات، ساده میانجیدر. اصل کرسته اسم و فعل ایله میدانه کلیر. ادات، ماهیتی ووظیفه سی ایجابیله، اسم و فعله کاه کندی اقرباسی کبی یایشیور، قایناشیور.. کاه خدمتکاری کبی موقت خدمتله قالیور، آیاتلق ایدیور. قواعد درسنه کن دقتلی برچوجوق، بر ساعتجی کبی، بونلری کوزل کوزل سوکر وطاقار.

یازدیغ مشالیری هپ بویله سوکره، پارچه پارچه ایدرم... «طوغرامه جی تحتینی دستره ایله کسر، کسرله یونتار»، «قورو دیدی قودی»، «دوست ایله پی ایچ، آلیش ویریش اتمه» کبی یا کیلتیجی سوزلر بولوب، (کسر) اسمی یوقسه فعلی؟ (دیدی قودی) فعل دکلی؟ (پی) اداتی؟ کبی صورارم. آلدیغ جوابلری (نیچون؟)، (نیچون؟) لرله قوتلندیریم. بویح اوزرنده ایجاب ایدرسه برقاچ درس قالیور. تدریس حلقه سننده کی اطفالک برنده تردد قالمیجه قدر، بواصولی ایشله تیرم.

بواصولی قولایجه ایشله تمک ایچون، مثاللری ساده طومالی، جمله لر قیصه و آزم متفرعاتلی اولمالی. اسملر ممکن مرتبه کوزمن اوکنده اولان شیلردن اولمالی. کوز اوکنده کی شیلری آ کلامق دها قولایدر، دها طبیعیدر. بونلری آ کلامق ده البته قولای و طبیعی اولور.



قواعد درسنده کوز تیله جک شیلردن بری ده اطفالی سنوزه، سوز سویله مکه آلیشدر مقدر. اطفال سنوزه ناصیل آلیشیر؟ پک ساده.. برطاقم شیلر کورور.. اونلری آ کلامق ایستهر. کوردیکی شیلر کندیج، نه قدر واضح اولورسه سوزی ده او قدر واضح اولور. چوجوغی اشیایی ای کورمکه، ای آ کلامغه سوق اتمه لی. چوجوغه بونی عادت ایتدیرمه لی. یوقسه کورمدیکی، حس ایتدیکی شی اوزرینه چوجوغی سویله تمک. یازدیرمق نافله در.

اطفالی کورمکه، کوسته رمکه تحریک ایدن اصول، شهه سز اک قولای، اک فاندلی بر اصولدر. چوجوقدن صورمالی... کچن آرابه نك آتلی سیاهمی، قیرمی؟ بونی کورمش، بوکا دقت ایش ایسه ای جواب ویریر. ایچنده قاچ کیشی وار؟ قادینی، ارککمی؟ یاشلیمی، کنجمی؟ آرابه تمیزی، پیسمی؟ یکیمی، اسکیمی؟ چوجوق بونلری کورمش، آ کلامش ایسه ویره جکی جواب، سویله یه جکی سوز طبیعی اولور، حقیقی اولور، واضح اولور، یا کلیشسز اولور.

معلومدرکه کلام اساساً داخلی و خارجی اولق اوزره ایکی جهتی برشیدر. بونک بر جهته (معنا) دیرز، بر جهته (لفظ) دیرز. معنا جهتی یوقه ایسه، لفظ جهتی ده یوقه اولور. دوشونوله دن، سطحی صورته سویله ن سوز سطحی اولور. اشیایی ای طایمالی یز که

اسمدر. شو وار که اوزوم کوزله کوزولور، دیکرلری ذهنه بیلیر. اسمک کوسته ردیکی شی کوزه کورونسون کورونمه سین، بز بیلد. یکمزدن شاشایز.. کوزه کوزون، خاطره کن، ذهنه بیلین شیلری کوسته رن کله لر هپ اسمدر. بوشیلر کوزه کورونور، یا خود کوزه کورونمزده ذهن ایله بیلیر، جانسز اولور، جانلی اولور.

بزینه یازدیغ مشالره دونه لم، بومشالرده کورولن اسملرک صوکلرینه اوافق برپارچه دها طاقلدی.. (اوزوم) کله سی (اوزومی) شکلنه کیردی. کله یه طاقلان بوکوجوک موقت آباق نه در؟ بر (ی)، بر حرف. پکی، بونه؟ مادام کی بوده مرام آ کلامق ایچون گلش بر واسطه.. مرام آ کلامنک بر جهته یارایور.. دیمک، بوده برکله. فقط بواسم کبی باشلی باشنه دکل.. بونک معناسی اوتنه کی کبی یالکزجه کوز اوکنه آ نامایور. بو، هر وقت بویله بر حرف کیدن عبارت می؟ «خواجی پی سوهرم» دیرسه ک، بو ایکی حرف اولور. پکی، بو (پی) نه در؟ بوده برکله. «قارپوزی ده سوهرم» مشالزده ایسه (ی) دن باشقه برده (ده) وار. بو (ده) نه؟ بوده کله دن بر جنس.. (پی) کبی بر جنس کله. فقط بونلر باشلی باشنه برشی کوسته رمیور.. باشلی باشنه سویله نه بیله جک حالده دکلر. بونلرک خدمتی آتلاک درجه سننده قالیور. اونک ایچون بوجنس کله یه آلت ویا پارچه دیه جک یرده (ادات) دیمشیر.

صوکره (سوهرم)، (سوم) کله لری... بونلر نه جنس کله؟ بونلرده اسمی؟ واقعا بونلرده برشی کوسته رمک، برشی آ کلامق حالی وار. اوشی نه؟ (سووم) دنیلن شی.. اوزومده کی (طات) کبی کوزله کورونمز برشی. فقط بونلرک ایچنده بونلردن باشقه ده برشیلر وار. نه لر وار؟ بونی بر (دون) علاوه سیله «دون سوهرم» حاله قویا بیلیر می یز؟ او یله یاپساق سوزده بر سقظلق حاصل اولور. او حالده که بونی چوجوقلرک اک آزد کیسی ده آ کلار. یوق افندیم، «دون سوهرم» دیه مرسک! چونکه (سوهرم) ده بر زمان وار. اوزمان یا شمیدیکی زمان، یا شمیدین صوکره کله جک زمان.. (دون) ایسه کچمش زمانی کوسته ریر برکله. عینی برشیده بو ایکی مخالف زمان برلشه مزر. عرب «دون بللی اولور» دیمش اما، (دون) ی بیلمدیکی ایچون بویله دیمش. آشکار که بو حال (سووم) کله سننده وار.. (سووم) دیرسه ک بونده کچمش زمان وار.. (سوویورم) دیرسه ک شمیدیکی زمان وار. شو حاله کوره بوجنس کله نك هپسنده ده، هپسنک ضممنده ده زمان وار.. بوکله اسمدن باشقه برجنس. فرق بوقدرمی؟ بونی «سن سوهرم» حاله قویا بیلیر می یز؟ خاییر. چونکه بوجنس کله نك ایچنده زماندن باشقه برشی دها وار، اوده (بن)، (سن)، (او) دن عبارت برشی، بر شخص. (سوهرم) ده کی شخص (بن) در. بوسوز (بن سوهرم) دیمکدر. (بن) باشقه. (سن) باشقه در. بونک ایچون «دون سوهرم» دیمک سقظ اولدینی کبی، «سن سوهرم»، یا خود «بن سوهرسک» دیمک ده سقظ اولور. دیمک که بوجنس کله ده برشی کوسته رمکدن باشقه، برده زمان و شخصی کوسته رمک

ابی افاده ایده لم . بو نقطه ده سوزی اوزانه جق اولسه ق چوق اوزار . شونی اونو تامالی یز که چو جوغک بوايشده کی قابلیتی ایشله تمک ، ملکه حالته قویق ، توسیع ایتک معلمک وظیفه سیدر .

بو ایکی جهتک ، یعنی معنا ایله لفظک ، آکلما ایله آکلانانک برلکده ترقی ایتدیرلمه سی پک طبیعی برشی ایکن ، بز چوقاق طبیعی حرکت ایده مدیکمزدن بونی یا پامایورز . . بر جهتی مهمل بر اقوب بر جهتی ایشله تیورز . او حالده که اشیا به وقوعه پک قوف ایکن درین سوزلر سویله به جکنی زعم ایدن کاتبلر ، ادیبلر یتیشدیر یورز . بونلر صوی بیلمزلر ، فقط صو اوزرینه صودن سوزلرله مقاله لر یازوب صحیفه لر طولدورورلر . محترم طیب بسم عمر پاشانک دیدیکی کپی ، بونلر ایچنده کوز یاشندن ادیبانه بحث ایدوب بونک ناصیل حصوله کلدیکنی بیلمه ینلر وعشق وعلاقه یی تدقیقه قلبک تأثراتی یازوب قلب ایله دماغی بر برینه قازیشدیرانلر و قلبی معده یرنده کوسته رنلر بولونور .

چو جوقلره (بهار) نهدر ؟ (چیچک) نهدر ؟ (بوغدا ی) نهدر ؟ (خرمن) نهدر ؟ دیه صوراجق اولسه ق نه جواب آلیرز ؟ بهاری بیلمه ین بهار حفته نه سویله به بیلیر ؟ چو جوغک دقتی ، نظری چیچک اوزرینه جاب ایدلش ایسه . . چو جو ق چیچکک آغا چلرده ، اوتلرده تخمدن و میمدن اول چیقان رنگلی قوقولی نازک ، نازنین یاپراقلردن عبارت اولدیغی کورمش ، آ کلماش ایسه . . هیچ شهبه سز چیچک قدر لطیف سوزلر بولور ، سویله ره . بوا یکی جهتک معلملری آیری و بر برندن خبردار اولمالی . فقط بوهر وقت و با خصوص بزم مکتبلرده پک میسر دکل . معلملر بو نقطه لری خاطرده طوتوب تدریسه کی جریانی بوکا کوره اداره ایتسلر چوق ایی یاپارلر .



کله نک تقسیمتی اول بول او کره تمک لازم ایسه ، اونی او کرندک . . کله نک نوعی اوچدر : اسم ، فعل ، ادات . اک اول اسمدن بحث اولوناجق . فقط بعض کتابلر ، بعض معلملر حرفندنه بحث ایتهدن کجه میورلر . هایدی تبرکاً بر قاج سوزده اونک اوزرینه سویله به لم . حرف نهدر ؟ تعریف ایتیه جکیز . برنجی مصاحبه ده هانی بر فرضیه یا مشدق . . بزه ، کندی عتمکیزله برالفا ایجاد ایدیکیز ، دیسلر نه یاباییله جکمز ی ملاحظه ایتش ایدک . ایشته او ملاحظه یی چو جوقلرک ادرا کارینک یتیشدیک قدر اوتیه بری به چکرز . حرفلر نه یه یارایور ؟ هجار نه ایله کوسته ریلور ؟ هر هجایه بر صائت لازمی ؟ نیچون لازم ؟ (اوزوم) کله سنک ایلك هجاسیله (او کوز) کله سنک ایلك هجاسی آراسنده فرق وارمی ؟ (اوزون) کله سنده کی (او) ایله (اودون) کله سنده کی (او) برمی ؟ حرفلر یازیلیر کن شکلاً دیکشیری ؟ تور کجه ده هانکی حرفلری قوللانیرز ؟ (ایوم) ، (فی الحال) ؟ (بالطبع) کی کله رده کی (ال) حرفلری نهدر ؟ (که) ، (چه) کی کله رده کی (ه) لز ناصیل او قوناجق ؟ (خواجه) و (خویش) کله رنده کی و اولر نه اولاجق ؟ بونلر

بلا اما ، باشقه چاره یوق . اک زیاده صائت وصانت حرفلر اوزرینه فکر ویرمه لی ، دوشوندوره لی . حروف شفه ، حروف ذلاقه ، حروف اطباق ، حروف حلق ، حروف مهموسه ، حروف مجهوره کی لزومسز معلوما تفر و شلقلره کولوب کچمه لی .

بونلردن صو کره ینه اسمه کلیرز . طلبه یه اطرافزده کی صاییسز اشیانک اسملرینی صورارم . . بونلری صیره یه قورم . بر برینه متناسب اولانلری آیریرم . مترادف دنیلن لغتلری یان یانه دیزوب فرقلرینی کوسته ریرم . کوسته ریرم دکل ، بونلری او صورتله قوللانیرم که طلبه فرقلری کندی بولور . شو شینک اسمی نهدر ؟ اوکا بکزه ین نهدر وار ؟ بر شینک ایکی اسمی اولورمی ؟ مثلا (صاندالیه) دیمک (ایسکمه) دیمک میدر ؟ یوقسه بونلرک بر فرقی وار میدر ؟ (تازه) ، (کوریه) ، (کنج) لغتلری هب بر معناده میدر ؟ لسانده هر شیئی آکلاناجق کله وارمی ؟ یکیدن میدانه چیقان شیلره ناصیل اسم قویمالی ؟ مثلا (وه لوسپهد) دیه عجیب برشی یامشله . بونی ایلك کوردیکمزدده اسمنی بیله میز . بویکی شی یوق ایدی که اسمی اولسون . . نه یاپارز ؟ طبیقیله بوکا بر اسم ویر ، که جالیشیرز . یا خود بونه در ؟ دیه صوراراز . ویریلن اسمی او کره نیوریرز . (وه لوسپهد) ایچون بویله اولماشمی ؟ بعضیلر بوکا اسم ویرمک ایسته مش . باقشله ، تکر لکلری وار ، تکر لکلری اوزرنده یورور برشی . . شو حاله کوره بو بر آراهه . . فقط بیکیری یوق . . ایشده بر شیطاناق وار . آراهه کله سنه شو ایکنجی ملاحظه دن بر متمم ، بر مضاف ایله قوشوب (شیطان آراهه سی) دیمشله . بعضیلرجه بو اسم پک بایاغیدر . اونلر بونک آدی نه ؟ دیوب (وه لوسپهد) کله سنی آلیویرمشله .

بر لسانده هر شیئی کوسته ره جک لغت وار میدر ؟ یوقدر . لسان نه قدر کنیش اولورسه اولسون بو اولاماز . البته یکی شیلر چیقاجق ، یکی اسملر قوناجق ویا آناجق . بو چاره سز بویله در . مثلاً مشروطیتک ظهورندن بری بر چوق یکی ایشله ، یکی حاللر میدان آلدی . (ره آقسون) ، (ره آقسونره) صورتنده چیقان لغتلر نهایت (ارتجاع) ، (مرتجع) دیه قرارینی بولدی . بویقوت اولماسه (بویقوت) ، (بویقوتاز) سوزلری لسانره کیره مزدی . یکی شیلر میدانه چیقنجه یکی لغتلر میدان آلاجق . . بویک طبیعی برشیدر .

بر لسانده هر شیئی کوسته ره جک لغت اولاماز . بوسیدله بعضا یکی اوچ شینک بر اسمی اولیور . باقیسه اولمالی . . اما چاره سز . مثلا (جای) ایکی معنالی . . جای ایچدم ، چایدن کچدم . مثلا (قوجه) ایکی معنالی . . قاری قوجه ، قوجه قاری . مثلا (یوز) اوچ معنالی . . یوز کیشی ، یوز کوز ، صویه دوشدکسه یوز . .

والحاصل چو جوقلره اشیایی طائیتوب طائیتوب اسملرینی بولدورورم . بولونان اسملری مختلف جهتلردن تدقیق ایتدیریرم . اسمده تنوع کورورلرسه . . اسمک ایکی اوچ دورلو اولدیغی اکلارلرسه . . او زمان طبیعی بر تقسیم میدانه چیقار . بلکه بونلره نه دنیه جکنی ده صورارلر . ایشته او زمان تعییرلرینی ، اصطلاحلرینی

اصولی یا لکنز بایانگی اسملرده دکل .. معنا کوسترن اسملر نوعندن اولان مصدرلرده و بونک ایجابیله فعالر ددو فعللرک متفرعات و مشتقاتنده جاری. مثلاً (آلمق) ، (بولمق) ، (کیتمک) کبی عمومی معنا افاده ایدن کلهلره اسم ، وصف و ظرف و حرف جر کبی بعض کلهلر علاوه سسیله (هوا آلمق) ، (صوغوق آلمق) ، (عقل آلمق) ، (کری آلمق) ، (یوقاری آلمق) ، (اله آلمق) ، (الدن آلمق) ، (ایاق آله آلمق) و (یول بولمق) ، (فائده بولمق) ، (یوانی بولمق) ، (ایتدیکنی بولمق) ، (موافق بولمق) ، (معتول بولمق) ، (سوقاقده بولمق) و (ای کیتمک) ، (آغیر کیتمک) ، (ایلهری کیتمک) ، (برابر کیتمک) ، (اوتنه کیتمک) ، (آت باشی برابر کیتمک) کبی خصوصی معنا افاده ایدن بر چوق مرکب تعبیرلر میدانه کلیر. بویله جه برکله ایله افاده ایدیهلرین خصوصی معنالر ایکی وزیاده کله ایله افاده ایدیهلر بیلیر. هله بواصول ایله تورکجه مصدرلره عربی و فارسی مصدرلر واسم و صفتلر قوشولار ق تاملین ایدیلن ککیشلک و قولایاق لسانزد ویرکی برمزیتدر. وسعتی جمله جه مسلم اولان عربیجده اکثریتله هریش و هرحدث ایچون آیری برماده ، آیری بر لشت وار. تورکجه ایسه اساننده بودرجه ککیش دکل . بوسبیله بز ، ترکیه مراجعته مجبورز. بویله جه (اولمق) ، (ایتمک) ، (بویورمق) کبی معنالی پک عام و پک شامل اولان کلهلره (بالغ اولمق) ، (میمز اولمق) ، (مشغول اولمق) ، (محو اولمق) ، (کذران اولمق) ، (روان اولمق) ، (روکردان اولمق) و (کرم ایتمک) ، (اکرام ایتمک) ، (تعلیم ایتمک) ، (تعلیم ایتمک) ، (اعلام ایتمک) ، (استعلام ایتمک) ، (فروخت ایتمک) ، (جستجو ایتمک) و (عنایت بویورمق) ، (فرمان بویورمق) کبی بیکلرجه تعبیر ابداع ایدیهلرک ، بیکلرجه تصرف ایپیلار ق تورکجه نه پک چوق معنالرک افاده سنه چاره بولونیور. فقط بونی لزوم و احتیاج اولونجه یا پارز. یوقسه یوق یره، تهره ظرفرافت ویریورز ، دیه مثلاً (آلمق) معناسنی (اخذ ایتمک) صورتنه قویوب (هوا اخذ ایتمک) دیرسک کولونج اولورز. [مابعدی وار]

فلسفه حیاتیه

یا خود

اثبات واجب

افاده . — شیمدی به قدر علوم تجربیه داخنده مباحثه و مناقشه ایدیهلرین ، هر نه زمان بختی آچیلسه علم مابعدالطبیعه به عائد اولدینی سویلنیلن اک مهم مباحث اعتقادیه بی بکرش دارالفنونی فیسولوزی معلمی موسیو (پاوله سکو) اک صوکل نظریات و تطبیقات فیه دائره سنده وبالخاصه فنون حیاتیه اساسلری اوزرینه جالب نظر دقت بر صورتده موقع بحث و مناظره به چکمش اولدیغندن بونی ترجمه و توسیع طریقیه اخوان دینک بیش انظار استفاده لرینه وضع ایدیورم .



پاوله سکو دییورکه : علم الحیات دیمک اولان بیولوژیدن و بونک

خبر ویریم . بواصطلاحی اوکره نیویومک کوچ اولماز ، یذیلن برشینک اسمنی اوکره نمک کبی اولور .. طادی اولان شینک آدی ده اوکره نیلیر . بر مفهوم ایچون هر وقت مطلقا بر تک کله می اولمالی ؟ بواولاماز . فقط بونی کوکدن طاش دوشر کبی اورتیه آتام . نظری جالب بر جهت بولوب ایشه اورادن باشلارم . مثلاً (آت سینکی) ندن ، یا خود (سیوری سینک) دن بحث ایچون وسیله بولورم . بونلره ساده جه (سینک) دیرم . چوجوق بونی ا کمال و تصحیح ایتمک ایستهر . مثلاً دیرم که قولانغه بر (سینک) یاپیدشدی .. آیری ، آری کبی ، صوغوق ، قاییش کبی برشی .. مکرسه سوارینک آتندن قورتولمش ده کلش . یا قالدوم .. چوجوق بونی در حال تصحیح ایتدیوریر . چونکه بیلیر که سینکک بودورلوسنک آدی (آت سینکی) در . سیوری سینکک ایتدیکی از عاجلری حکایه ایدرم ، یا خود سیوری سینکی کوزله کوستهریرم . آدینه ساده جه (سینک) دیرم . چوجوق البته تصحیح ایدر . انسان مخلوق باشقه سنک خطاسنی تصحیح ایتیه پی پک سوهر . چوجوق آ کلاتیرکه (آت سینکی) ویا (سیوری سینک) یرنده ساده جه (سینک) دینه مز . چونکه بونلر باشقه باشقه بر حشره در . چوجوق بو تصحیح ایشنده یالکنزده قالماز ، آرقاداشلری ده کندیسنی تأیید ایدر . شونک اوزرینه آ کلاشیلیر که بر مفهوم ایچون هر وقت مطلقا بر تک کله بولونمق لازم کلر . برشینک اسمی ایکی اوچ و حتی داها زیاده کله دن یاپیلاییلیر . ایشته (مارماره) بر دیکیز اسمی . فقط (آق دیکیز) ک اسمی ایکی کله دن یاپیلیمش .. کله ایکی اولمقله برابر کوستهر دیک شنی ینه بر . بویله جه (شاب دیکیزی) ، (بحر محیط هندی) ایکی اوچ کله در .

برشی ایچون بردن زیاده کله به نه دن محتاج اولیورز؟ کوستهره جکمز شینی برکله ایله کوستهرمک ممکن اولامادیغندن . بونه دیمک ؟ بواو دیمک که آ کلاتا جگمز شینک برکله ایله آ کلاتیلیماسی ممکن دکل .. یعنی قیصه جه ، حاضرجه بر اسمی یوق . چاره سز ایکی اوچ کله خرج ایدیورز . فقط آ کلاتیلیمز ینه برشیدر .

بعضاً بر مفهومی آ کلاتمق ایچون بویله جه بر قاق کله برله شیر . اما آ کلاتیلان هپ برشیدر . واقعا بویله مرکب اسملرده کی کله لرک هر برینک اساساً مفهوم اوزرنده بر حقی ، بر مناسبتی واردر . مثلاً (آت سینکی) ، (سیوری سینک) ، (شاب دیکیزی) ، (آق دیکیز) تعبیرلرنده بونلری تشکیل ایدن پارچه لرک هر برنده کی معنا و مناسبتی بولمق ممکندر . فقط بر کره بر شیشه بر قاق کله اسم اولارق تخصیص ایلدیمی ، او بر قاق کله نیک اوشیده آرتیق آیری آیری مناسبتی آرانمایور . او مناسبتلر او نوتولوب کیدیور . حتی بعضاً او کله لر بر برینه قایناشوب برکله اولیور . ایشته (اونباشی) ، (یلقوان) ، (سودلاج) ، (بولاماج) بویله اولمشدر . (اونباشی) (اون) ایله (باش) دن ، (یلقوان) (یل) ایله (قوان) دن ، (سودلاج) (سودلی) ایله (آش) دن ، (بولاماج) (بولامه) ایله (آش) دن مرکبدر .

برکله ایله آ کلاتیلایمان معنالرک بردن زیاده کلاتله آ کلاتیلیماسی